

Më  
Data 19-12-2018



**GJYKATA THEMELORE NË FERIZAJ-DEPARTAMENTI I PËRGJITHSHËM-DIVIZIONI PENAL**, me gjyqtarin Elmaz Zenuni dhe zyrtarin ligjor Gazmend Bytyqi, në çështjen penale kundër të akuzuarit [REDACTED] nga fshati [REDACTED] Komuna e Ferizajt, i akuzuar me aktakuzën e Prokurorisë Themelore në Ferizaj PP/II.nr.751-2/2016 të dt. 15.01.2018, sipas së cilës e ka kryer veprën penale rrezikimi i trafikut publik nga neni 378 par pik 6 lidhur me par.1 të KPRK-së duke vendosur rreth kërkesës për dhënien e urdhërit ndëshkimit, pa e mbajtur shqyrtimin gjyqësor, më dt. 13.03.2018 merr:

### AKT GJYKIM

**APROVOHET** kërkesa e Prokurorisë Themelore në Ferizaj PP/II.nr.751-2/2016 të dt. 15.01.2018, dhe gjykata jep këtë:

### URDHËR NDËSHKIMOR

I akuzuari: [REDACTED] nga fshati [REDACTED] Komuna e Ferizaji, i lindur me datë, [REDACTED] në të njëjtin vend, nga i ati [REDACTED], shtetas i Republikës së Kosovës, mbrohet në liri, posedon numrin personal [REDACTED].

### ËSHTË FAJTOR

Sepse me datë 13.05.2016 rreth orës 16:15, në rrugën publike "Xhevë Lladrovci" në Ferizaj në drejtim të Rrugës "Ganimete Tërbeshi" të udhëkryqi i Rrugës "Fatmir Ratkoceri", duke drejtuar automjetin e udhëtarëve të tipit "Audi" me targa të regjistrimit [REDACTED] në kundërshtim me nenin 63 par.1 të LSKRR-së, nga pakujdesia duke mos i dhënë përparësi kalimi automjeteve me përparësi kalimi nga ana e djathtë pa u bindur se mund të pengoj pjesëmarrësit e tjerë në komunikacion e godet automjetin e tipit "Golf" me targa të

regjistrimit [REDACTED], të cilin e drejtonte [REDACTED] nga nga Ferizaji, Rruga [REDACTED] pa nr, ku pos dëmeve materiale në automjete lëndime trupore të lehta pësojnë [REDACTED] të përshkruara në Ekspertizën mjeko ligjore të dt. 19.12.2017,-

*- me të cilën kreu veprën penale rrezikimi i trafikut publik nga neni 378 par pik 6 lidhur me par.1 të KPRK-së,*

Andaj, gjykata në bazë të neneve: 4, 7, 17, 41, 43, 46 dhe 73 të KPRK-së dhe neneve 365 e 495 të KPPRK-së i shqipton:

### **DËNIM ME GJOBË**

Të akuzuarit [REDACTED], i shqiptoi dënimin në shumën prej 200 € (dyqind Euro), të cilën shumë i akuzuari obligohet ta paguaj në afat prej 15 ditësh, nga dita e plotfuqishmërisë së këtij aktgjykimi.

Nëse dënimi me gjobë nuk mund të ekzekutohet në format tjera sipas nenit 46 par.3 të KPRK-së, i njëjti do t'i shndërrohet në dënim me burg ashtu që për çdo 20 Euro, do t'i llogaritet nga një (1) ditë burg.

Gjykata të dëmtuarin : [REDACTED] nga nga Ferizaji, Rruga [REDACTED] [REDACTED] pa nr, për realizimin e kërkesës pasuroro-juridike e udhëzon në kontest civil.

Obligohet i akuzuari që në emër të shpenzimeve procedurale 60.88 € dhe paushallit gjyqësor të paguaj shumën prej 20 €, në afat prej 15 ditëve, nën kërcënimin e përmbarrimit të dhunshëm.

Konform nenit 39 par.3.1 të Ligjit për Kompensimin e Viktimave të Krimit –Ligji nr.05/L-036, Obligohet i akuzuari që në emër të Taksës për Kompensimin e Viktimave të Krimit të paguaj shumën prej 30 eurove, në afat prej 15 ditëve, nën kërcënimin e përmbarrimit të dhunshëm.

### A r s y e t i m

Prokuroria Themelore në Ferizaj me aktakuzën PP/II.nr.751-2/2016 të dt. 15.01.2018, ka akuzuar [REDAKTUAR] nga fshati [REDAKTUAR] Komuna e Ferizajt , për veprën penale rrezikimi i trafikut publik nga neni 378 par pik 6 lidhur me par.1 të KPRK-së dhe të njëjtën ditë ka parashtruar kërkesën për dhënien e urdhrin ndëshkimor kundër të akuzuarit me arsyen se ka prova të besueshme që vërtetojnë kryerjen e kësaj vepre penale nga i njëjti.

Gjykata gjatë shqyrtimit paraprak të aktakuzës dhe kërkesës për dhënien e urdhrin ndëshkimor, në vështrim të nenit 495 parag.1, 2 dhe 3 të KPPRK-së, gjeti se janë plotësuar kushtet ligjore për aprovimin e kërkesës për dhënien e urdhrin ndëshkimor.

Nga provat materiale të bashkëngjitura në shkresat e lëndës gjegjësisht konstatimin e Ekspertit mjeko ligjor i dt.19.12.10.2017, mendimi i Ekspertit të komunikacionit i datës 25.07.2017, raporti mjekësor nga Qendra Emergjente – Spitali në Ferizaj dt.13.05.2016, si dhe fotografitë të cilat gjenden në shkresat e lëndës, gjykata ka konstatuar se këto prova janë të bazuara dhe bindëse, sepse vërtetojnë që i akuzuari e ka kryer veprën penale për të cilën akuzohet, andaj gjykata e shpalli fajtor dhe i shqiptoi dënimin me gjobë si në dispozitiv të këtij aktgjykimi.

Gjykata, konform nenit 463 par.1 lidhur me par 3 të KPPRK-së të dëmtuarin : [REDAKTUAR] nga nga Ferizaji,Rruga [REDAKTUAR] pa nr., për realizimin e kërkesës pasuroro-juridike e ka udhëzuar në kontest civil.

Konform nenit 450 par.2.6 të KPPK-së obligohet i akuzuari që në emër të shpenzimeve gjyqësore të paguaj shumën prej 60.88 Euro, si dhe paushallin gjyqësor në shumën prej 20 €, të gjitha këto në afat prej 15 ditëve nga dita e plotfuqishmërisë së këtij aktgjykimi.

Njashtu, Konform nenit 39 par.3.1 të Ligjit për Kompensimin e Viktimave të Krimit –Ligji nr.05/L-036, Obligohet i akuzuari që në emër të Taksës për Kompensimin e Viktimave të Krimit të paguaj shumën prej 30 eurove, në afat prej 15 ditëve, nën kërcënimin e përmbarimit të dhunshëm.

Nga sa u tha më lart është vendosur si në dispozitiv të këtij aktgjykimi.

### **GJYKATA THEMELORE NË FERIZAJ**

**P.nr.74/2018, dt. 13.03.2018**

**Zyrtari Ligjor  
Gazmend Bytyqi**

**Gjyqtari,**

**Elmaz Zenuni**



#### **UDHËZIM JURIDIK:**

Kudër këtij aktgjykimi lejohet kundërshtimi në afat prej 8 ditësh, nga dita e pranimit të dërgesës së njëjtit, gjyqtarit të vetëm gjykues të kësaj gjykate, përmes kësaj gjykate.

Pas skadimit të afatit të lejuar për kundërshtim, urdhëri ndëshkimor bëhet i plotfuqishëm dhe ekzekutohet dënimi i shqiptuar.